


PSALM 40



Ek het na God se hulp ge-smag,
ek het die He - re lank ver - wag;
Hy het na my toe af - ge - buig,
sy oor na my ge - roep ge - neig.



Lied



2.

Sy hand het, na my uitgestrek,
my uit die dood se put getrek.

Hy't op 'n rots my weer laat staan,
my weer op vaste grond laat gaan.



3.

Ek het 'n nuwe lied gesing

om lof aan Hom, ons God, te bring.


Hy het dit aan my voorgesê,

Hy het dit in my mond gelê.



4.

Mag hulle wat my hoor, dit sien
en Hom vertrou en vrees en dien;
hang hul geen valse gode aan,
dan sal dit goed met hulle gaan.



Lied : ▶

5.

Groot is u wonders, baie meer
as wat ons kan vertel, o Heer.

U wat ons steeds indagtig is,

U maak met ons bemoeienis.



6

U het met goed - heid ons be - jeën;
soos U is daar geen an - der een.
Ons of - fers skiet vir U te kort,
U wil liefs, Heer, ge - hoor-saam word.



Lied : ▶

7.

Soos voorgeskryf vir my deur Hom

het ek gesê: "My Heer, ek kom.

Net om u wil te doen, o Heer,

dis al wat ek, my God, begeer."



Lied : ▶

8.

My hele lewe is u skrif,

u woord, diep in my ingegrif.

Ek het gesing, U weet dit mos:

Ek is, o Heer, deur U verlos.



Lied : ▶

9.

Heer, laat u liefde en u trou

altyd oor my die wag bly hou,

want ramp op rampe sonder tal,

so baie, Heer, het my oorval.



Lied : ▶

10.

My sondes het my ingehaal

en laat my sonder rigting dwaal;

vertwyfeling het my oorval

en moeilikhede sonder tal.



11.

Red my, o Heer, en help my gou

dat ek die lewe kan behou.

Dié wat die dood se strikke span,

laat hulle strikke húlle vang.



12.

Laat hulle op die vlug dan slaan,

laat hul beskaamd van my af gaan.

Laat hulle wat my spot, o Heer,

verleë t'rug in skaamte keer.



13.

Laat wie U soek, Heer, telkemaal

hul blydschap in u Naam herhaal.

Laat hulle altyd bly bely:

Die Heer is groot! Hoe groot is Hy!




14.

Ek, hulpeloos, hoor my gebed,

ek, arme mens, vra: "Here, red.

Vertoef nie, Here, maar kom nou,

kom sonder talm of wag, kom gou."



Lied : ▶